



Broj: 01/24-02-679-3/24

Sarajevo, 22. 3. 2024.godine

Z A P I S N I K

s 11. sjednice Odbora za poljoprivredu, vodoprivredu i šumarstvo Zastupničkog doma Parlamenta Federacije BiH, održane 22. 3. 2024. godine

Sjednica je počela s radom u 10:00 sati.

Sjednicom je predsjedao Sandi Salkić, predsjednik Odbora.

Prisutni na sjednici: Sandi Salkić, predsjednik Odbora, Bajro Makić, Edin Mušić, Nijaz Helez, Senad Subašić, Stanko Musa, Zekerijah Alagić, Damir Nikšić i Haris Silajdžić.

Izostanak je opravdala Indira Omeragić.

Gosti na sjednici: Kemal Hrnjić, ministar; Damir Pavković, SSFBiH; Ermin Veladžić, UPPFBiH; Nedžad Bajrić, Dragan Pavković, SSFBiH, Bićo Nedžad, Elvis Halkić i David Mijatović.

Nakon što je pozdravio članove Odbora, predsjednik Sandi Salkić konstatirao je da postoji kvorum za rad, a potom pročitao predloženi dnevni red 11. sjednice Odbora za poljoprivredu, vodoprivredu i šumarstvo Zastupničkog doma Parlamenta Federacije BiH.

DNEVNI RED

- Usvajanje zapisnika s 10. sjednice Odbora,
- Strategija poljoprivrede i ruralnog razvoja Federacije Bosne i Hercegovine 2021.-2027.,
- Nacrt programa novčanih potpora u poljoprivredi i ruralnom razvoju za 2024. godinu – javna rasprava,
- Inicijativa za izvorno-autentično tumačenje koju je uputilo Kantonalno tužiteljstvo Bosansko-podrinjskog kantona Goražde,
- Tekuća pitanja

Ad-1.

Zapisnik s 10. sjednice Odbora je usvojen jednoglasno.

Ad-2.

Predsjednik Odbora dao je riječ Bajri Makiću, članu Odbora. Makić je izrazio nedoumicu u vezi s definicijom zakona koji se odnosi na proizvodnju mlijeka te je postavio pitanje imaju li poljoprivrednici opciju da se odluče po litri ili po grlu. Kemal Hrnjić, federalni ministar poljoprivrede, vodoprivrede i šumarstva, informirao je nazočne da se trenutno radi na tehničkim detaljima oko izbora između dva ponuđena modela, uz napomenu da će biti moguće i opredjeljenje za zadržavanje postojećeg modela. Stanko Musa je naglasio da je Ministarstvo, tijekom 10. sjednice, uvažilo sve prijedloge i primjedbe na Strategiju poljoprivrede i ruralnog razvoja Federacije Bosne i Hercegovine za razdoblje od 2021. do 2027. godine, istaknuvši važnost brzog usvajanja strategije radi donošenja programa koji će omogućiti pravodobnu isplatu finansijske potpore. Dragan Pavković, predsjednik SSFBiH, istaknuo je zadovoljstvo dosadašnjim programom te podržao daljnje aktivnosti.

ZAKLJUČAK

Odbor za poljoprivredu, vodoprivredu i šumarstvo prihvata Strategiju poljoprivrede i ruralnog razvoja Federacije Bosne i Hercegovine 2021.-2027. Odbor predlaže Zastupničkom domu Parlamenta Federacije Bosne i Hercegovine da je usvoji.

Zaključak je usvojen jednoglasno.

Ad-3.

Na sastanku Odbora predsjednik je dao riječ Nijazu Helezu, članu Odbora, koji je ukazao na potrebu pozornog razmatranja načina na koji se tretira med. Dragan Pavković, predsjednik SSFBiH, izrazio je stav da nije potrebno tražiti građevinsku dozvolu za izgradnju plastenika, istodobno pohvaljujući brze rokove isplate finansijskih sredstava. Bajro Makić, također član Odbora, predložio je promjenu naziva "grad-selo" u programu potpore mladima u poljoprivredi, navodeći da takav naziv može ograničiti mlade ljudi sa sela da se pridruže projektu. Ministar je istaknuo važnost projekta novčane potpore mladima koji žele ući u poljoprivredu, te je prihvatio Makićevu sugestiju. Edin Mušić, također član Odbora, naglasio je potrebu povećanja novčane potpore za izvorne zaštićene pasmine životinja, posebno buše, brdske konje i tornjake. Ministar je naglasio da je cilj ovog programa usklađivanje sa standardima EU-a, uz poštovanje domaćih specifičnosti, te je **dodao da Federacija BiH trenutno djeluje samo na području jednog entiteta** zbog ograničenja suradnje s entitetom RS. Ministar je također istaknuo novu mjeru kojom se potiče upotreba stajskog gnojiva na poljoprivrednim parcelama, s ciljem poboljšanja kvalitete zemljišta, uz naglasak na važnost analize zemljišta. Ermin Veladžić je pohvalio kvalitetu nacrta s vrlo malim primjedbama, ističući da su već uputili prijedloge. Sandi Salkić, predsjednik Odbora, predložio je pet sugestija i prijedloga koji će biti proslijeđeni mjerodavnom ministarstvu.

ZAKLJUČAK

Odbor za poljoprivredu, vodoprivredu i šumarstvo će uputiti resornom ministarstvu svoje prijedloge i sugestije na program, kao i sugestije poljoprivrednih udruga.

Zaključak je usvojen jednoglasno.

Ad-4.

Odbor je jednoglasno zaključio da nije mjerodavan za predmetna pitanja.

Ad-5.

O ovoj točki dnevnoga reda Odbor nije raspravljaо pa su inicijative, prijedlozi i informacije koje bi eventualno bile upućene Odboru ostavljene za raspravu na sljedećoj sjednici Odbora.

Sjednica Odbora završila je s radom u 12:00 sati.

PREDsjEDNIK ODBORA

Sandi Salkić, v.r.